



ՎԵՐԱՊԱՏՐԱՍՏՎՈՂ ՈՒՍՈՒՑՉԻ  
ՀԵՏԱԶՈՏԱԿԱՆ ԱՇԽԱՏԱՆՔ

Հետազոտության թեման՝ Դեռահասության տարիքում ազրեսիայի և  
ինքնաազրեսիայի առանձնահատկություններն ու դրսևորումները դպրոցում

Հետազոտող ուսուցիչ՝ Հասմիկ Սարգսյան

*անուն, ազգանուն*

Արմավիրի N4 ավագ դպրոց ՊՈԱԿ

*դպրոց*

Մենթոր ուսուցիչ՝ Շուշան Վարդանյան

*անուն, ազգանուն*

ԱՐՄԱՎԻՐ- 2021

## ԲՈՎԱՆԴԱԿՈՒԹՅՈՒՆ

Ներածություն .....	3
Գրական ակնարկ .....	5
Հետազոտությանը նթացք .....	9
Ա. Բասսի և Ա. Դարկի «Ազրեսիայի տիպերի և ցուցանիշների ախտորոշման» մեթոդիկա .....	18
Եզրակացություն .....	20
Օգտագործված գրականության ցանկ .....	21

## Ներածություն

Դեռահասության շրջանը մարդու կյանքի ամենադժվարին, հակասական, և բեկումնային իրադարձությունների ժամանակահատվածն է: Տարիքային այս փուլում տեղի են ունենում խորը փոփոխություններ, որոնք էական ազդեցություն են ունենում երեխայի անձի ձևավորման և զարգացման վրա: Դեռահասի անձի զարգացման հիմնախնդիրը ոչ միայն հոգեբանամանկավարժական, այլ նաև սոցիալական կարևորագույն խնդիր է: Հենց այս տարիքում է մարդն անցնում իր զարգացման կարևորագույն ուղին՝ հաղթահարելով ներքին և արտաքին բազմաթիվ կոնֆլիկտներ: Հենց այս տարիքի կարևորագույն խնդիրներից է համարվում ազրեսիվ և աուտոագրեսիվ վարքը, և անհրաժեշտություն է առաջանում ուսումնասիրելու «ազրեսիա», «աուտոագրեսիա» հասկացությունները, դրանց վարքային դրսևորումները:

Ժամանակակից հասարակության հիմնական խնդիրներից մեկը ազրեսիվության և բռնության բարձր մակարդակն է: Այս խնդիրը բազմիցս հետազոտվել է և հաճախ մարդկանց և կենդանիների ազրեսիան հավասարվում է բռնության մեջ: Բայց մարդը դաժանության ավելի բարդ դրսևորում ունի: Վերջին մի քանի տասնամյակների ընթացքում հասարակության կյանքը կտրուկ փոխվեց: Մեր հասարակությունը, որն անցել է շուկայական հարաբերությունների, մեծապես փոխվել է, և դրա հետ մեկտեղ մարդկանց բարոյական նորմերն ու սկզբունքները մի շարք փոփոխություններ են կրել: 20-րդ դարի երկրորդ կեսին տեղի ունեցած միջարքերևույթներ, օրինակ, հանցագործության, ահաբեկչության և գրեթե անսխալ անվաճառ արածաշրջանային հակամարտությունների զգալի աճը նպաստել է այս խնդիր հարդիականացմանը: Նման տեսակի բոլոր փոփոխությունները իրենց հսակայական ազդեցությունն են թողնում հատկապես դեռահասության տարիքում գտնվող անձանց վրա, որի պատճառների մասին ավելի մանրամասն կխոսենք առաջին գլխում:

Դեռահասության տարքի ազրեսիան և աուտոագրեսիան արտացոլում են հասարակության կարևորագույն խնդիրներից մեկը: Վերջին տարիների ընթացքում կտրուկ բարձրացել են դեռահասների կողմից կատարված հանցագործությունների թիվը ինչն էլ մտահոգիչ և արդիական խնդիր է մեր ժամանակաշրջանում, որը կրում է համաշխարհային բնույթ: Ներկայումս դեռահասների շրջանում ազրեսիվության մակարդակի բարձրացմանն են նպաստում նաև ակոհոլի, ծխախոտի ազատ վաճառքը, որոնք նպաստում են ադիկտիվ վարքի դրսևորումներին՝

ավկոհողամոլությանը, տոկսիկոմանիային, ինչպես նաև հակաիրավական և հակասոցիալական վարքին: Ագրեսիվ վարքի դրսևորմանն են նպաստում նաև բուլոր տեսակի բռնությունները դեռահասների նկատմամբ, որոնց թիվը վերջին ժամանակներս ավելացել է: Դեռահասները հաճախ դառնալով բռնության զոհ վախի, ամոթի և նմանատիպ այլ պատճառներով թաքցում են իրենց հետ կատարվածը, ինչն էլ հետագայում իր ազդեցությունն են ունենում դեռահասի վարքագծի վրա:

Ներկայումս դեռահասության շրջանում ավելի մեծ տարածում է գտել նաև ինքնավնասման վարքը, որը իրենից բավական մեծ խնդիր է ներկայացնում, քանի որ դրա հետևանքները անկանխատեսելի են և կարող ենանդամնալիլինել: Առևտրագրեսիայի վարքային դրսևորումներից մեկը սուիցիդն է: Սուիցիդի խնդիրը համաշխարհային բնույթ է կրում, չնայած նրան, որ սուիցիդի ցուցանիշը ԱՊՀ երկրների մակարդակով ցածրերից մեկն է Հայաստանում, միևնույնն է նման փոքր բնակչությանուներող երկրում նմանատիպ խնդիրը բավական լուրջ է և արժանի մեծ ուշադրության:

Դեռահասների ագրեսիվ և ինքնաագրեսիվ վարքը բավական խնդրահարույց է ժամանակակից աշխարհում, այդ իսկ պատճառով մեծ ուշադրություն է դարձվում խնդրի լուծման ուղիների որոնմանը և կանխարգելմանը:

Շուրջ 28 տարի է ունեմ մանկավարժական փորձ և յուրաքանչյուր տարի բախվում եմ դեռահասների ագրեսիայի և ինքնաագրեսիայի արտահայտման տարբեր տեսակների հետ: Հետազոտական աշխատանքումս ներկայացնում եմ 2021-2022 ուստարվա 10-րդ դասարանում առկա խնդրի կոնկրետ դեպքի վերլուծությունը:

Հետազոտության նպատակն է մշակել թեմայի վերաբերյալ համապատասխան գրականություն, ուսումնասիրել դեռահասների ագրեսիվ և ինքնաագրեսիվ վարքի դրսևորման առանձնահատկությունները դպրոցում:

## Գրական ակնարկ

Դեռահասության փուլը ընդգրկում է 11-12 տարեկանից 15-17 տարեկանը: Այս փուլը կարևորվում է նրանով, որ այստեղ դրվում է անձի բարոյական և սոցիալական հիմքերը: Այս տարիքում դեռահասի օրգանիզմում կատարվում են նաև կենսաբանական փոփոխություններ: Սկսվում է պուբերտացիոն շրջանը:

Այս ընթացքում ձևավորվում են անձի բարոյական, հասարակական ընկալումը, վերաբերմունքը իր, շրջապատի մարդկանց և առհասարակ հասարակության նկատմամբ: Դեռահաս աղջիկը փորձում է ընդօրինակել այն կնոջ կամ աղջկա վարքը, ով շրջապատում ունի մեծ հեղինակություն, և ըստ այդմ էլ, նմանակում է տվյալ անձի հագնվելու ոճը, սանրվածքը, հարդարանքը, պահելաձևը, բառապաշարը և այլն: Իսկ տղա դեռահասի համար ընդօրինակման օբյեկտ է դառնում նա, ով իրեն պահում է <<իսկական տղամարդու նման>>, ցուցադրում է մեծ կամքի ուժ, քաջ է, համբերատար, կարողանում է լավ ընկեր լինել:

Դեռահասության տարիքում օրգանիզմը լուրջ ֆիզիոլոգիական փոփոխությունների է ենթարկվում: Սկսվում է սեռահասունացումը, մոտավորապես 11 տարեկանում ակտիվորեն սկսվում են արյան մեջ արտադրվել հորմոններ, տղամարդկանց մոտ անդրոգեն հորմոններ, կանանց մոտ՝ էստրոգեն: Փոփոխվում է ոսկրային համակարգը, ինչն էլ իր հերթին դեռահասին դժվարությունների առաջ է կանգնեցնում: Երեխան անընդհատ ստիպված է լինում հարմարվել իր օրգանիզմում կատարվող լուրջ փոփոխություններին: Դեռահասության շրջանում նկատվող կենսաբանական ցուցանիշների լուրջ փոփոխությունները անդրադառնում են դեռահասի արտաքին տեսքի վրա, որոնք կարելի է բնութագրել որպես երկրորդային սեռական հատկանիշներ: Հատկապես դրոևորվում են հասակի խիստ ավելացմամբ, մարմնի մկանային և ճարպային զանգվածի մեծացմամբ, վերջինս իր վառ արտացոլումն է ստանում դեռահասի արտաքինի վրա: Եվ մարմնի որոշ հատվածների տզեղությունը, անահամաչափ դիմագծերը, ճարպային գոյացությունների ի հայտ գալը դեմքի վրա, գիրությունը խորապես ազդում է դեռահասի հոգեվիճակի վրա, ինչի հետևանքով նրա մոտ կարող է առաջանալ թերարժեքության բարդույթ, դեպրեսիա, դիսմորֆիֆոբիա, նույնիսկ ներոզ: Սեռական հասունացման սկիզբը մեծ չափով կախված է բնակլիմայական պայմաններից, ազգային գործոններից, ինչպես նաև դեռահասի կյանքի անհատական առանձնահատկություններից՝ առողջական վիճակ, հանգստի վիճակ և այլն: Հիշյալ առումով էլ պետք է հավելել, որ աղջիկների սեռական հասունացման սկիզբը կարելի է համարել 11-12, իսկ տղաներինը 12-13 տարեկանը:

Դուրս գալով մանկությունից, բայց դեռևս մուտք գործած հասունության շրջան՝ դեռահասը հանդիպում է հասարակության կողմից ներկայացվող դեռևս բոլորովին նոր, ոչ մանկական սոցիալական պահանջների և ստիպված լինում ստանձնել նոր դերեր: Այս փուլում դեռահասը կանգնում է մի մեծ խնդրի լուծման առջև՝ միավորել և վերլուծել լինչ այժմ ունեցած պատկերացումներն անձի մասին և ինտեգրել սեփական Ես-ի մասին բազմաթիվ պատկերները մեկ միասնական պատկերի

մեջ:

Ճգնաժամի հաղթահարման դեպքում դեռահասը ձեռք է բերում մի շարք կարևոր նորագոյացություններ՝ սեփաքկան Ես-ի գիտակցում, ինքնահասկացում, սեփական անհատականության գիտակցում, ինքնագիտակցության զարգացում: Դեռահասը ձեռք է բերում <<հասունության>> զգացում, կողմնորոշվում իր սոցիալական դերերում, գտնում իր տեղը շրջապատում: Դեռահասի համար հաղորակցումը տեղեկատվություն ստանալու ճանապարհ է: Այն ինչպես գործունեության առանձնահատուկ ձև է, միևնույն ժամանակ, միջանձնային հարաբերությունների հաստատման

միջոց:

Դեռահասությունը մանկության և հասունության միջև օտոոգենետիկական զարգացման շրջանն է, (11-12, 16-17 տարեկան), որը բնութագրվում, հատկանշվում է որակական փոփոխություններով՝ կապված սեռական հասունացման և <<մեծահասակների աշխարհ>> մուտք գործելու հետ: Այս շրջանում անձն ունենում է բարձրացված դյուրագրգիռություն, իմպուլսիվություն, որի հիման վրա էլ հաճախ ձևավորվում են անգիտակցական սեռական հակումներ: Դեռահասության տարիքում հոգեկան զարգացման հիմնական լոկոմոտիվները հանդիսանում է Ես-կոնցեպտի փոփոխությունները, նոր, դեռևս անկայուն ինքնագիտակցության ձևավորումը, ինքն իրեն և իր հնարավորությունները ճանաչելու փորձը: Այս տարիքում տեղի է ունենում վերլուծահամադրական գործողությունների բարդ ձևերի կայացումը, վերացական մտածողության ձևավորումը: Անչափ կարևոր նշանակություն ունի դեռահասի՝ հատուկ <<դեռահաս>> հանրույթի պատկանելիության զգացման առաջացումը, արժեքների գիտակցումը, որոնք հիմք են հանդիսանում նրա սեփական բարոյական գնահատականների համար: Դեռահասության տարիքի հոգեբանական կարևորագույն բնութագիրը անձնավորության ինտենսիվ բարոյական ձևավորումն է, բարոյական գիտակցության ձևավորումը, վարքի բարոյաէթիկական նորմերի տիրապետումը: Այս տարիքում տեղի է ունենում ոչ միայն ֆիզիկական հասունացում, այլև անանձնավորության ակնառու հասունացում, որն իրականանում է շրջապատող իրականության ազդեցությունների ուղեկցությամբ, դպրոցի ուսումնադաստիարակչական աշխատանքի պրոցեսում: Այս շրջանը աշխարհայացքի, բարոյական համոզմունքների, սկզբունքների ու իդեալների,

գնահատման դատողությունների ձևավորման տարիք է, որոնցով դեռահասը սկսում է առաջնորդվել իր կյանքում: Դեռահասությունը անձի զարգացման տեսակետից համարվում է ամենաբարդ շրջանը:

Դեռահասության տարիքում դրսևորվող կամակորոթյունը հաճախ կապված է սկզբունքայնության, անկախության և ինքնուրույնության մասին ունեցած սխալ պատկերացման հետ: Դ. Ֆելդշտեյնը հետզատելով դեռահասների բարոյական հասկացությունների էությունը հանգեց այն եզրակացության, որ դեռահասների կողմից բարոյական կատեգորիաների ըմբռնումը կրում է ձևական, մակերեսային բնույթ: Հոգեբաններն ուսումնասիրել են մի կողմից դեռահասների մեջ ձևավորվող համոզմունքների, բարոյական գաղաբարների, հասկացությունների, դիրքորոշումների և, մյուս կողմից, նրանց արարքների, գործողությունների, կոնկրետ վարքագծի միջև եղած հարաբերությունները: Ա. Լ. Մալիվիանով նայդ տեսակետից դեռահասներին բաժանել է չորս խմբի.

1.դեռահասներ, որոնք իրենց վարքում ղեկավարվում են իրենց կողմից լավ գիտակցված դրական բարոյական նորմերով, և որոնց մոտ խոսքի և գործի միջև հակասություն չկա,

2.դեռահասներ, որոնց մոտ համընկնում են բարոյական հասկացությունների զարգացման ցածր մակարդակն ու վարքը

3.դեռահասների մի փոքր խումբ առանձնանում է վարքի բարոյական նորմերի իր քաջատեղյակությամբ, բայց իր համար անհրաժեշտ չի համարում վարվել ըստ այդ նորմերի.

4. դեռահասներ, որոնք դեռևս չեն տեսնում, չեն հասկանում այն կապը, որ գոյություն ունի իրենց հայտնի բարոյականության պահանջների և իրենց առօրյա արարքների միջև:

Անձի զարգացման դժվարությունները այս տարիքային փուլում ուղեկցվում են միայնության զգացումով: Հետևաբար դեռահասի մեջ անհագանկություն է առաջանում անընդհատ լինելու ընկերների հետ` հույս ունենալով գտնել այն, ինչ նրանց արգելում են ծնողները` անմիջականություն, կարևորագույն զգացողություն և ձանձրույթը փարատելու տարբեր միջոցներ: Դեռահասի համար կարևոր է ոչ միայն լինել ընկերների շրջապատում, այլև զբաղեցնել ցանկալի կարգավիճակ: Ոմանց համար կարևոր է անպայման իշխող դիրք գրավել խմբում, մյուսներին բավարարում է պարզապես ընկերների կողմից սիրված և ընդունված լինելու զգացողություն: Դեռահասի շփման բուն գործընթացը հետզհետե դառնում է առավել խորը և

բովանդակալից, ընդլայնվում է նրանց հոգևոր և մտավոր հաղորդակցումը, առաջանում են հուզական հաղորդակցման տարբեր ձևեր՝ ընկերություն, սեր:



## Չեռազոտությանը նթացք

Դեռահասության տարիքային շրջանը տարբեր գրականության մեջ տարբեր անվանումներ է գտել՝ դեռահասություն, անցումային, պոբերտանտային շրջան, սեռական հասունացման, տարիքի բացասական փուլ և այլն: Տարբեր անվանումները արտացոլում են դեռահասի տարիքային տարբեր առանձնահատկությունները: Դեռահասության տարիքի առանձնահատկությունն այն է, որ մարդը մտնելով այս փուլ որպես երեխա, դուրս չի գալիս չափահաս դարձած: Այս փուլում անցնում է կատարվում մանկությունից դեպի հասունություն:

<<Խնդիր լուծելը բանականության՝ մտքի առանձնահատկություն է, այն միայն մարդուն տրված հատուկ շնորհ է, ուստի խնդիր լուծել իրավամբ համարվում է մարդկային գործունեության ամենաբնորոշ դրսևորումներից մեկը>>,- նշում է մեր ժամանակների խոշոր մաթեմատիկոս Ջ. Պոյանը: Խնդիր լուծելու կարողությունը զուտ գործնական արվեստ է. Ինչպես լողալը, դահուկներով սահելը կամ դաշնամուր նվագելը: Այդ արվեստին կարելի է տիրապետել միայն ընդօրինակելով լուծված խնդիրների նմուշները և մշտապես վարժվելով: Իսկ ինչ եղանակներով կարելի է հասնել այս նպատակին, եթե դասարանում կան ագրեսիվ և կամ աուտոագրեսիվ վարքագծով աշակերտներ: Ավագ դպրոցի սկզբնական շրջանը բավական բարդ է սովորողի համար, քանի որ կան հարմարման, ինքնահաստատման, ճանաչման և այլ խնդիրներ, որոնք կարող են հանգեցնել դասարանի կամ դպրոցի ներսում որոշակի խնդիրների առաջացմանը և վարքային փոփոխություններին:

Օրինակ՝ 2021-2022 ուստարում նոր ձևավորված դասարանում ծանոթանալով աշակերտների հետ բացահայտեցի որոշակի անհանդուրժողականության դրսևորումներ 2 աշակերտների միջև, որոնց ագրեսիվ վարքը արտացոլվում էր նաև մյուս դասընկերների հետ շփման մեջ: Ուսումնասիրությունների հետևանքով պարզ դարձավ, որ խնդիրը նախապատմություն ուներ: Աշակերտները հիմնական դպրոցում եղել էին նույն դասարանի աշակերտներ, և վաղ դեռահասության շրջանում կոնֆլիկտի հետևանքով աշակերտներից մեկը փոխել էր դպրոցը: Պատահականության սկզբունքով նրանք հանդիպել էին ավագ դպրոցի նույն դասարանում:

Խնդիրը բացահայտելուց հետո որոշեցի աշակերտների միջանձնային հարաբերությունները շտկելու նպատակով իրականացնել մասնագիտական խմբային աշխատանքներ:

Առաջին խմբային աշխատանքի ընթացքում, որի թեման էր <<Իրական թվեր, գործողություններ իրական թվերի հետ>>, խմբերը ձևավորելիս յուրաքանչյուր

խմբում միտումնավոր ընդգրկեցի բարձր, միջին և ցածր առաջադիմություն ունեցող աշակետևների: Աշխատանքը սկսելուց առաջ խմբերին հրահանգեցի, որ խմբի ներսում յուրաքանչյուր աշակերտ պետք է աշխատանքի ամբողջ ընթացքում մասնակցի, և ինչ որ խնդրի կամ թերանալու դեպքում բարձր առաջադիմություն ունեցող աշակերտները պետք է բացատրեն և օգնեն իրենց դասընկերներին, հակառակ դեպքում խումբը կգնահատվի ավելի ցածր:

Աշակերտները նախօրոք տեղեկացված չէին խմբային աշխատանքի մասին: Խմբային աշխատանքը սկսելուց մի քանի րոպե անց ագրեսիվ աշակերտներից մեկի մոտ սկսվեց վարքային նկատելի փոփոխություններ: Տվյալ աշակերտը սկսեց բողոքել, որ նա տեղյակ չի եղել խմբային աշխատանքի կատարման մասին, ես իրեն զգուշացրի, որ դա նպատակային է և արվում է տվյալ պահին իրենց գիտելիքները ստուգելու համար: Աշակերտը ոչմի կերպ չընկալեց հրահանգն ու բացատրությունը և սկսեց հարվածել ինքն իրեն և իրեն շրջապատող առարկաներին, ինչը ագրեսիայի և ինքնագրեսիայի դրսևորում էր: Այդ պահին արդեն զանգի հնչելու ժամանակն էր և ես պարզապես փորձեցի նրան հանգստացնել ավելի չհրահրել ագրեսիվ վարքը: Հաջորդ օրն տվյալ աշակերտը մոտեցավ ինձ և ներողություն խնդրեց իր պահվածքի համար, և շնորհակալություն հայտնեց իմ համբերատարության համար: Ինչպես հետո պարզվեց տվյալ աշակերտը նույն վարքն է ցուցաբերել նաև այլ ուսուցիչների հանդեպ: Իրավիճակը թուլացնելու և տվյալ սովորողի վստահությանը արժանանալու համար համադպրոցական հավաքույթներից մեկի ժամանակ աշակերտին հրավիրեցի պարի իր հանդեպ իմ դրական վերաբերմունքը ընդգծելու և նախորդ միջադեպը մոռացված համարելու նպատակով: Այդ իսկ օրվանից սովորողը սկսեց ինձ վստահել, անգամ որևէ խնդիր ունենալու դեպքում հաճախ մոտենում է ինձ, քննարկում խնդիրը, խորհուրդներ հարցում: Ես հավատացած եմ, որ յուրաքանչյուր աշակերտի պետք է ցուցադրել անհատական մոտեցում, քանի որ նրանցից յուրաքանչյուրը իրենց անհատականության ձևավորման շատկարեւոր փուլի են հասնում հատկապես դեռահասության տարիքում, և լինելով ավագ դպրոցի ուսուցիչ այդ փաստը բավականին լուրջ և պարտավորեցնող է, քանի որ ուսուցիչն ինքը աշակերտի համար նույնպես հանդիսանում է վարքի կրկնօրինակման մոդել, ուստի շատ կարևոր է դեռահասին վերաբերվել հասուն մարդու նման և ընդգծել իր հանդեպ անհատական մոտեցումը:



Երկրորդ խմբային աշխատանքի դեպքում, որի թեման էր «Եռանկյունաչափության տարրերը», 2 օր առաջ հրահանգեցի ձևավորել խմբեր, յուրաքանչյուր խումբ ընտրեց իր թիմի անվանումը, դրանք երեքն էին՝ «Պյութագորաս», «Դեկարտ», «Պարաբոլ», որպես տնային աշխատանք պետք է ներկայացնեին իրենց թիմի անվանումը և նշանակությունը: Թիմերը ձևավորելուց մտածված երկու ագրեսիվ վարք ցուցաբերող աշակերտներին ներառել էի նույն խմբում, որպեսզի աշխատեն միմյանց հետ, ձևավորեն անձնային հարաբերություններ, ունենան քննարկում միմյանց հետ, աշխատեն որպես մեկ թիմ:

Յուրաքանչյուր թիմ բավականին բազմաբովանդակ ներկայացրեց իր թիմի աշխատանքը և անվանումը, պաստառների, սահիկաշարերի և երկրաչափական պատկերների միոցով, որոնք պատրաստել էին սեփական ձեռքերով: Ինձ համար շատ կարևոր է աշակերտների նախաձեռնողականությունը, ինքնություն աշխատանքը և ստեղծագործ միտքը, ինչի համար բոլորը ստացան բարձր գնահատական և գովասանքի խոսքեր: Այնուհետև սկսվեց մրցության ժամը: Սահիկաշարի միջոցով բացվում էին առաջադրանքները, որոնցից յուրաքանչյուրը ունեն իրենց տրված միավորն ու ժամանակը:


Խմբային աշխատանքի ընթացքում համոզվեցի, որ երկու ագրեսիվ վարքագծով աշակերտներին նույն խմբում ընգրկելու միտքը հաջողվել է: Սովորողները համախմբվել էին մեկ գաղափարի շուրջ, մի կողմ դնելով իրենց բոլոր տարածայնությունները և կենտրոնանալով լավ ներկայանալու և մրցություն հաղթելու վրա: Նրանց համգործակցությունը հիանալի էր ստացվել ինչը արտացոլվում էր նաև հետագայում դասապրոցեսների ընթացքում, քանի որ նրանց

միջև լարվածությունը բավական թուլացել էր: Այս փաստը արձանագրել է նաև դպրոցի հոգեբանը, ով ուսումնական տարվա սկզբում իրականացրել էր դասալսումներ և նկատել, որ տվյալ աշակերտներից մեկը հետաքրքրություն չի ցուցաբերում դասի ընթացքում, գրատախտակին մոտենալուց խուսափում է և առանձնապես չի շփվում դասընկերների հետ: Իսկ վերջին ժամանակներս նկատելիորեն փոխվել է սովորողի վարքագիծը, նա բավական հետաքրքրված է իմ առարկայով, գրեթե միշտ պատրաստված է ներկայանում դասերն, արդեն կա շփում մնացած աշակերտների հետ և անգամ խոստովանել է, որ սիրում է մաթեմատիկան:

Տվյալ փորձը համարում եմ ստացված քանի որ ինձ հաջողվեց դրական կապ ստեղծել այս աշակերտի հետ, հասկանալով և հաշվի առնելով իր անհատական առանձնահատկությունները, և ուրախ եմ, որ ստացվել է նաև թուլացնել երկու աշակերտների միջև եղած լարվածությունը, որը ինչպես նշել էի ուներ ավելի խորքային հիմքեր:



Ա. Բասսի և Ա. Դարկի «Ազրեսիայի տիպերի և ցուցանիշների ախտորոշման» մեթոդկիա



Ա. Բասսի և Ա. Դարկ <<Ագրեսիայի տիպերի և ցուցանիշների ախտորոշման>>մեթոդիկան անցկացրել են 10-րդ դասարանի աշակերտների հետ: Դասարանում սովորում են 15 աշակերտներ, այս մեթոդիկայի արդյունքները միշակելիս պարզ դարձավ աշակերտներ մոտ ագրեսիայի տեսակների տոկոսային հարաբերությունը: Ըստ այդ արդյունքների պարզ դարձավ որ, 15 աշակերտների մոտ ֆիզիկական ագրեսիան կազմում է 6%, վերբալ ագրեսիա՝ 0%, անուղղակի ագրեսիա՝ 10%, նեգատիվիզմ՝ 0%, նյարդայնություն՝ 12%, կասկածամտություն՝ 0%, վիրավորանք 0%, ինքնաագրեսիա 6%:

Ըստ մեթոդիկայից ստացած տվյալների դասարանում ագրեսիայի մակարդակը բավականին ցածր է, և աշակերտները ընդգծված բացասական վերաբերմունք չունեն միմյանց նկատմամբ: Միայն ֆիզիկական ագրեսիան, անուղղակի ագրեսիան, ինքնաագրեսիան և նյարդայնությունն էին միփոքր ընդգծված, ինչը իմ հիմնականում արտահայտվում էր նշված երկու ածակերտների մոտ: Ընդանուր աշխատանքների իմ և մնացած ուսուցիչների հոգատար և ուշադիր վերաբերմունքի շնորհիվ այժմ նման խնդիրներ գրեթե չկան իսկ լինելու դեպքում շատ արագ հարթվում են:

## Եզրակացություն

Ամենօրյա աշխատանքի արդյունքում դիտարկելով աշակերտների վարքը եկա այն եզրակացության, որ ընտանիքը, մշակութային, միջավայրը, իրենց հանդեպ վերաբերմունքը ձևավորում է աշակերտների վարքը, և այս գործում մեծ է կրթական համակարգի դերը: Առաջնային է աշակերտների մեջ իրական արժեքների ներդրումը, որպես նոր ձևավորվող անձնավորություններ: Կարևոր է աշխատանքը ուղղված կարծրատիպերի կոտրմանը, քանի որ դպրոցական տարիքում հեշտ է ազդել սովորողի կարծիքի վրա, և դրա ազդեցությունը նկատելի փոփոխվող վարքն է, որը բավական անկանխատեսելի է: Հատկապես դեռահասության շրջանում աշակերտների նհամար առաջնային են դառնում ընկերները և նրանց կարծիքը: Սովորողի վստահությանը արժանանալու համար պետք է հաշվի առնել այս և մի շարք առանձնահատկություններ, որպեսզի դեռահասը իրեն զգա ապահով և վստահելի միջավայրում, հատկապես դպրոցում, քանի որ իր ժամանակի մի զգալի հատված անցկացնում է դասընկերների և ուսուցիչների շրջապատում:

Ես եկա այն եզրահանգման, որ դեռահասների մոտ ազդեցիկ և ինքնաազդեցիկ կարող են առաջանալ բազմազան պատճառներից, իհարկե անիրական է պատկերացնել, որ այդ ամենը միայն ուսուցչի աշխատանքի շնորհիվ կարող է շտկվել, բայց նաև համոզված եմ, որ ճիշտ և հոգատար վերաբերմունքի շնորհիվ կարող ենք ազդեցություն ունենալ դեպի դրական տեղաշարժի վրա: Տվյալ դեպքում իմ կողմից դասավանդվող դասարանի երկու աշակերտների մոտ նկատվեց դրական տեղաշարժ, չեմ կարող ասել, որ նրանք դաճան ընկերներ, սակայն և ես, և դպրոցի մնացած ուսուցիչները կփաստեն, որ սկզբնական ազդեցիկ վերաբերմունքը միմյանց նկատմամբ բավականին փոփոխվել է: Եվ մեծ ձեռքբերում եմ համարում նշված աշակերտներից մեկի նկատելի վերաբերմունքի փոփոխությունը ինձ հետ շփման մեջ, քանի որ ամիսներ տևած աշխատանքի և քննարկումների շնորհիվ հաջողվեց ձևավորել վստահության և հոգատարության միջավայր տվյալ աշակերտի համար: Այս դեպքում նկատելի են և վարքային դրական փոփոխությունները և ուսման հանդեպ հետաքրքրության առաջացումը:



### **Օգտագործված գրականության ցանկ**

1. Արզումանյան Ս. Ջ. , Դեռահասների խաթարումների պատճառները և դրանց հաղթահարման ուղիները, Եր., 1991թ.
2. Արզումանյան Չ. Ս. Դեռահասների խաթարումների պատճառները և դրանց հաղթահարման ուղիները, Եր., 1991 թ.
3. Պետրովսկի Ա. Վ., Տարիքային և մանկավարժական հոգեբանություն, Երևան, 1991թ.
4. Ա. Ա. Նալչաջյան <<Ընդհանուր հոգեբանության հիմունքներ>>, Երևան <<Լույս>> 1991